

## Урываак з Пскоўскага другога летапісу (Сынадальны сьпіс)\*

В лѣто 6943... Того же лѣта князь литовскыи Свитригаило поима митрополита Герасима в городе Смоленске, и окова твердо железы, и спровади в Видбескъ и, дежавъ на крѣпости 4 месяци, сожже огнем июля 26 за толику виноу, что перевѣт на него дрѣжал къ князю Жидимонту. И по том князь Свитригаило, собравъ силы многыя, смольняны, и видьбляны, и кианы, и полочаны, и князя местера ризьского с силами его, и заморцовъ, поиде на князя Жидимонта. А Жидимонтъ събрав Литвою, и Ляхи, и Жимоиты, поиде на Свитригаила. И състоупишяся в Жимоитьской земли месяца септевриа 1, и бысть бои великъ и съча страшна, и побѣдиша множество князеи и пановъ Свитригаиловых, и одолѣ Жидимонтъ: а Свитригаило побѣже в малѣ дружинѣ и прибѣже в Полотьско, а с нимъ 30 мужъ толко прибѣгоша.

\* Тэкст друкуецца паводле выданья: Псковские летописи. Вып. 2. — Москва, 1955. — С. 45.